

3 E 2667, minutes de Maître Jean Vauthier, à Nancy, 1530-1551. Vente entre Marguerite Gerand et Jacques Mangert (17 janvier 1549), reconnaissance de dettes de Margueritte Grand Bourre envers Mangin Piedmontoy (20 janvier 1549).

[f° 68 v°.]

[1] Facta est, et data

[2] Saichent tous que Nicolas Gerand, *demeurant* a Sechamps, se *faisant* et portant fort

[3] de Margueritte sa *femme*, promectant luy faire agreer a passer ce que s'ensuyt

[4] quand requis en sera de recongnoistre, avoir vendu pour tousjours en heritaige a honneste

[5] homme Jacques Mangert, gouverneur de l'hospital Sainct Jullien de Nancy,

[6] et Claudon sa *femme*, acquesteurs pour eulx, leurs hoirs ou aiant cause, une

[7] piece de terre *contenante* demy jour, seante au ban de Sechamps au lieu dict au

[8] poirier, entre lesdits acquesteurs d'une *part*, et Messir de Janluy d'autre *part*,

[9] franche et quicte de tous censaulx et obligation quelconques, et est

[10] faicte ce *present* vendaige pour et moiennant la somme de sept frans monnoie de Lorraine

[11] de principal, et troys gros au vin, et que ledit *vendeur* a confessé avoir

[f° 69 r°.] [12] eu et receu desdits acquesteurs, dont il s'a [sic] tenu content, promectant *par*

[13] sa foye et se *faisant* fort *comme* dessusdit de tenir, *faire* tenir et avoir pour agreable

[14] a tousjours *cedit* vendaige, sans jamais aller ne souffrir aller au contraire,

[15] et d'en porter *bonne* et lealle garantie ausdits ecquesteurs, leursdits hoirs ou

[16] aians cause contre et envers tous, jusques a droict, soubz hobligation de

[17] tous ses biens meubles et heritaiges *presens* et advenir *par* tout ; en *tesmoing* de *vérité*,

[18] a la *requeste* dudit *vendeur*, sont ces *presentes* seellees *etc*, de sa court de Nancy, saulf son *etc*,

[19] que furent faictes l'an mil cinq cens quarante neuf le dix septiesme *jour*

[20] de janvier, *presens* honnestes *personnes* Hugo Courcole, *notaire* apostolique et imperial, et

[21] François Foucquet, cleric *demeurant* audit Nancy, tesmoins.

[22] Vauthier [signature].

[23] Le vingtiesme *jour* de janvier mil cinq cens quarante neuf, recongnust

[24] François Grand Bourre, *demeurant* a Ludre, se *faisant* fort de Margueritte sa

[25] *femme*, debvoir de *bonne*, juste et lealles debte, a Mengin Piedmontoy, *demeurant*

[26] audit Ludre, et Barbe, sa *femme*, la somme de onze frans monnoye de Lorraine,

[27] et ce pour certaine quantité de grains blé et orge a luy vendue et

[28] delivree, dont il sa [sic] tenu content. Sy a promzys iceluy debtenir *par* sa

[29] foid et se faisant fort *comme dessus* de paier et delivrer *ausdits* *crediteurs*, leurs
[30] *hoirs etc*, *ladite somme* de onze frans, telle et *pour ainsi* que *dessus*, tout a
[31] une fois et *par* une seule main dedans le jour de la Saint Remy, chief
[32] d'octobre *prochain*, soubz l'*obligation* de tous ses biens meubles et heritaiges
[33] *presens* et advenir *par* tout, les submectans en faulte de paye a l'*execution*
[34] de toutes justices, et a laquelle que mieux plaise *ausdits* *crediteurs*,
[35] *leursdits* *hoirs etc*, et *comme pour* chose deument congne et adjugee en justice
[36] tant pour principal que aussy pour tous frais, missions, despens
[37] dompmaiges et interrez que *lesdits* *crediteurs*, *leursdits* *hoirs* ou *aians*
[38] cause pourroient avoir et soubstenir a la poursuite, dont et desquelz
[39] ilz et *chacun* d'eulx en soient creuz *par* simple *serment* et *relation* sans plus,
[40] nonobstant toutes coustumes adce *contraire*. En *tesmoing* de verité, a la *requeste*
[41] *dudit* *debteur*, sont ces *presentes* *seellees etc*. In meliori forma. *Presens* maistre
[42] Claude Lardez, charpentier, et Jullien Cordier, *demeurans* *audit* Ludre, tesmoings.
[43] Vaulthier [signature].